



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Q. 4. Quid est Sacrilegium & quotuplex.

urn:nbn:de:hbz:466:1-40986

inspiratione, vel si necessitas justa, aut pia utilitas adsit, quando omnia media ordinaria non sufficiunt, modo id petatur cum humilitate, & res tota divinæ voluntati committatur: nam tunc nulla est irreverentia in Deum.

Q. 4. *Quid est Sacrilegium, & quo-tplex?*

Resp. I. Sacrilegium est violatio, seu indigna tractatio rei Saeræ, hoc est, rei Deo dicatæ, sive ad Dei cultum specialiter destinatæ. Violatur autem res Sacra, cùm aliquid sit, quod peculiariter sanctitati illius, vel reverentiæ illi debitæ, seu Deo in illa debitæ repugnat: sive violatio rei Sacrae est quælibet irreverentia in illam.

Resp. II. Cùm triplicis generis sit res Sacra, scilicet Persona, Locus, & Res aliæ, idcirco tres sunt sacrilegii species, Personale, Locale, & Reale.

1. Sacrilegium Personale est, quo indignè tractatur Persona Sacra, ut Clericus, vel Religiosus. Quod fit quatuor modis, primò eos injustè percutiendo, aut quamlibet alias actionem violentam, ac contumeliosam in eos injustè exercendo, contra privilegium Canonis: *si quis suadente.* 2. Eos subjiciendo Tribunali Sæculari contra privilegium fori. 3- Imponendo eis tributa, vel onera publica sine legitima auctoritate

Ss 2 ritate

ritate contra immunitatem Ecclesiasticam; nam hæc privilegia eis, concessa sunt intuitu Religionis. 4. Omne peccatum contra castitatem à Religiosis, vel Clericis Sacro Ordine insignitis commissum, est sacrilegium; quia per votum corpus suum, & animam specialiter Deo consecrârunt quoad fugam omnis actus venerei. Hoc etiam incurront alii, qui cum ipsis peccant, cùm ei cooperentur. Item cujuslibet votivatio est sacrilegium; nam eo ipso, quod res per votum Deo dicata est, jam est jure divino ad Dei cultum destinata idoque Sacra. *Cajet. Azor, Bonac. Lessius, & alii.*

Secundò Locale est violatio loci Sacri, ut Templi, & Cæmeterii. Qualis est omnis actio irreverentiam loci includens, aut specialem habens cum sanctitate loci vel cultu divino repugnantiam, sive ex natura sua, sive ex prohibitione Ecclesiæ, vide licet.

1. Effractio, spoliatio, incensio Ecclesiæ, eversio altaris cap. 22. de sent. excom.
 2. homicidium, effusio illicita sanguinis, aut seminis humani, sepultura excommunicati non tolerati, aut non Baptizati; nam his polluitur locus sacer. 3. Uetus profanus Ecclesiæ tanquam vulgaris loci, ut si in ea fiant negotiationes, exercitium judiciorum Sæcularium, seditio, conclamatio, vana, & profana colloquia, confabulationes

nes quælibet tempore divini officii, vel quævis alia, quæ cultum divinum turbare, aut impedire possunt, aut oculos divinæ Majestatis offendere, cap. *debet de immunitate*.
 ir 6. ex Conc. Gener. Lugdun. 11. à quo hæc omnia prohibentur. 4. Extractio violenta rei è loco Sacro, ubi Lex asyli viget.
 5. Furtum sive rei Sacræ, sive rei profanæ in loco Sacro, quamvis ibi non depositæ, ut crumenæ occulta abscissio, ex cap. *Quisquis* 17. q. 4. ubi Joan. 8. ait, *Sacrilegium committitur auferendo Sacrum de Sacro, vel non Sacrum de Sacro, sive Sacrum de non Sacro.* Úbi autem Lex non distinguit, nec nos distinguere debemus, sed generaliter & indistinctè accipiendum est, quod Lex generaliter dicit. Et ad reverentiam Ecclesiæ pertinet, ut res omnes, in ea possitæ, à furtis & injuriis sint liberæ. *Ita Suarez, Layman, Reginal. Fillius affertens, esse communem.* 6. Convivia, cap. 4. Dist. 42.

Tertio Sacrilegium Reale est indigna tractatio rei Sacræ, distinctæ à persona, & loco. Res autem illæ dicuntur Sacræ, quæ vel sanctitatem producunt, ut Sacramenta: vel quæ Sacra significant, ut verba scripturæ: vel quæ Sacra repræsentant, ut Imagines Christi, & Sanctorum, item Cæremoniæ Sacræ: vel quæ sunt particulæ, aut res Sanctorum, ut Reliquiæ: vel quæ ad cultum Dei, & ejus Ministrorum sustentatio.

tationem, ususque pios sunt consecrata, seu destinata, ut Vasa Sacra, Ornamenta, item bona temporalia Ecclesiae. cap. 4. Et sequent. 17 q. 4. & cap. nulli. 12. q. 2. Et ex Conc. Gener. Later. 2. Can. 10. & aliis.

Porro etiam sola omissione committitur sacrilegium, ut si Chrisma vel SS. Eucharistia non satis custodiatur clavibus adhibitis, vel si Vasa Sacra, Corporalia, Pallæ, vestimenta, altaria, & similia non sint satis munda, aut decora, ex cap. 1. & 2. de *Custod. Euchar.* vel permittantur species corrupti in pixide, &c.

Cum autem in iis rebus diversæ sint habitudines ad sanctitatem, seu diversa sit ratio sanctitatis, ideo diversas constituunt species rerum Sacrarum, & sic earum violationes sunt sacrilegia diversæ speciei. Lessius & alii addunt tempus Deo dicatum, nempè dies Dominicos, ac Festos, eò quod sint mensura actionum Sacrarum, & ad illas destinati: quamvis alii dicant violationem Festi non esse sacrilegium, sed quamdam Irreligiositatem.

Hinc sacrilegium reale est indigna administratio, vel suscepitio Sacramentorum, profanatio Reliquiarum, Imaginum, Vasorum Sacrorum, ut si quis utatur Calice ad potandum, Ornamenta Sacra ad usus profanos adhibeat; abuso verborum Scripturaræ non solum ad errores confirmandos,

sed

sed etiam ad res profanas: unde Conc.
Trid. Sess. 4. Verbi Dei violatores appelle-
rat, jubetque puniri eos, qui Verba & sen-
tentias S. Scripturæ ad profana quæque con-
vertunt, & torquent ad scurrilia, fabulo-
sa, vana adulaciones, detractiones, -&c.
Item invasio bonorum sive mobilium sive
immobilium, & jurium Ecclesiæ, suppressio
piorum Legatorum, defraudatio decima-
rum, &c. Nam hæc ad Dei cultum data
sunt.

Q. 5. Quale peccatum est Sacrilegium?

Resp. Est peccatum mortale ex genere
suo, quia per illud Deus in rebus sacris in-
honoratur; irreverentia enim rei Sacrae il-
lata redundat in ipsum Deum, ad quem re-
lationem habet, & ad cuius cultum desti-
nata est. Deinde ratio ipsa dictat, Sancta
sanctè, & reverenter tractanda esse. Est
autem tantò gravius crimen, cæteris pari-
bus, quantò res, quæ violatur, est sanctior,
& sacratior. Potest tamen esse veniale ob-
levitatem materiæ, ut si unus assis in Eccle-
sia surripiatur.

Porro cùm sacrilegium novam speciem
peccati constituat ratione specialis defor-
mitatis oppositæ Religioni, debet semper
exprimi in Confessione. Hinc circum-
stantia personæ sacræ in luxuria, loci sacri
in furto, &c. declaranda est; nam utrum-

S 4 que